

03/09/1997

1,320 dengar amanat Dr M

KUALA LUMPUR, Selasa - Seramai 1,320 pemimpin Umno peringkat bahagian dari seluruh negara akan mendengar amanat Presiden Umno, Datuk Seri Dr Mahathir Mohamad esok, sempena perhimpunan agung parti minggu ini.

Mereka terdiri daripada ketua, timbalan ketua, naib ketua, ketua Pemuda, ketua Wanita, setiausaha, bendahari dan ketua penerangan dari 165 bahagian di seluruh negara.

Setiausaha Agung Umno, Datuk Sabbaruddin Chik, berkata Dr Mahathir dijangka menyampaikan amanatnya pada jam 4 petang esok.

"Biasanya semua pegawai seperti timbalan ketua, naib ketua, setiausaha, bendahari dan ketua penerangan adalah perwakilan, walaupun ada sesetengah daripada mereka tidak terpilih.

"Mereka dijemput atas dasar pegawai bahagian yang terbabit secara langsung dengan pengurusan parti di peringkat bahagian," katanya kepada pemberita di sini hari ini.

(END)